

奩

史

舊史拾遺

王初桐

夫婦

冒無譽娶宮婉蘭曲室唱酬才情朗暢伉儷之篤亞  
於墳簾

婦人集

及丹生與其婦陸雨曼偕隱震澤之西村草屋數間  
烟火時絕比舍聞歡笑聲則雨曼詩成丹生擊節而  
歌山鶴林猿一時驚起

南野堂筆記

魏證薨命給羽葆鼓吹其妻裴氏曰證生平儉素今  
葬以一品羽儀非亡者之志悉辭不受

紀纂淵海

江都倪氏婦早亡有善李少君術者招魂叩生前事

歷歷如響復作詩十數章有云已作薜蘿離恨草莫  
看茵蔯並頭花

婦人集

### 婚姻

慕容元真以妹爲魏昭成帝后慕容又請交婚昭成  
帝乃以烈帝女妻之

魏書

魏明帝幼女淑卒取甄后從孫黃與之合葬

周禮疏

孝文時始平公主薨追贈已故穆平城爲駙馬都尉

與公主冥婚

北史

懿德太子薨中宗爲聘裴粹亡女爲冥婚合葬

舊唐書

建寧王死代宗追謚爲承天皇帝以興信公主亡女

張爲恭順皇后冥婚焉

新唐書

郭三死其妻楊氏守節舅念其子鰥居地下欲聘隣家亡女合葬之楊氏遂自經死

元史

有富室娶婦者男女並韶秀夫婦甚相悅次日天曉門不啟呼之不應穴窗窺之則左右相對縊視其衾已合歡矣婢媼皆曰昨夕已卸粧何又着盛服而死耶

如是我聞

宋邦衡嫁女只漢書一部硯一匣

懋題草閣集

婚姻行媒自女媧始

風俗通

女媧爲女婦職婚姻是曰神媒

路史

蔡大寶見柳莊嘆爲襄陽水鏡以女妻之

六帖

天賜夫人詩風吹芊氏女至梁家爲婦

郝陵川集

宮中選婚每選一必以二副者陪升卽中選皇太后  
幕以青紗帕取金玉跳脫繫其臂不中則以年月帖  
子納淑女袖而侑以銀幣遣還

彤史拾遺記

金章宗欽懷皇后蒲察氏初行納采禮有慶雲見於

日側

續文獻通考

村俗有以婚姻議財不諧而糾衆劫女成婚者謂之  
搶親北史高昂兄乾求崔聖念女爲婚崔不許與  
兄往劫之

知新錄

統系

李太后生時里中聞異香經日不散

彤史拾遺

唐配帝皆一后惟睿宗二后

田學紀聞

高宗憲聖皇后吳氏稱姑章太后爲姐姐稱高宗元妃邢氏爲大姐姐

四朝聞見錄

冊皇后用金寶金冊皇貴妃而下金冊無寶宣宗爲

孫貴妃請寶於太后敕尙寶製金寶如后

彤史拾遺記

陳亡沈皇后爲尼於天靜寺名觀音

南史

魏孝靜后再嫁楊愔爲妻

東潭集

古有以女媧爲女者論衡女媧圖多爲婦女之象又

北史祖珽謂陸令萱實婦人之英傑者女媧以來未見其比

畏墨筆記

徐耕女孫有殊色後主納之宮中諱娶母族托言韋昭度孫初爲婕妤累封至元妃

蜀檮杌

王貴妃蘇州人初入宮爲昭容時宮中上下多朔產畧少委曲獨妃具才德能從容婉婉以行其意永樂七年進貴妃

彤史拾遺記

田貴妃初爲禮妃最寵未幾爲皇貴妃

彤史拾遺記

仁宗殉五妃洪熙元年宣宗追謚皇庶母貴妃郭氏謚恭肅淑妃王氏謚貞惠麗妃王氏謚惠安順妃譚

氏諡恭僖充如黃氏諡恭靖宣宗殉十妃宣德十年  
英宗追贈皇庶母惠妃何氏爲貴妃諡端靜趙氏爲  
賢妃諡純靜吳氏爲惠妃諡貞順焦氏爲淑妃諡莊  
靜曹氏爲敬妃諡莊順徐氏爲順妃諡貞惠袁妃爲  
麗妃諡恭定諸氏爲恭妃諡貞靜李氏爲充妃諡恭  
順何氏爲成妃諡肅僖嗣後皆無殉自英宗始

形史拾遺

記

齊武帝寵姬何美人死帝深悽愴後因射雉登巖石  
以望其墳乃命布席奏伎帝掩嘆久之

金樓子

盧瓊仙者劉鋹之才人也崇禎間有請乩者瓊仙至



題曰身輕不許風前立腕白愁教月下看 廣東新語

念四宋徽宗寵嬪閭婕妤好也 增彙侍兒小名錄

梁宣修容生而紫胞年數歲能誦三都賦五經指歸

過目便解號爲女王荀昭華薦以入宮 金樓子

胡充華初選入同列祝之曰願生諸王公主勿生太

子充華曰奈何畏一身之死而使國家無嗣乎及有

娠私誓曰若幸而生男男生身死不憾也 梁書

彤史女官名選良家女子之知書者充之使記宮闈

起居及內庭燕寢之事 彤史拾遺記

黃婉淇武中選入宮爲官正司女史 聞湖詩鈔

六尚書有司寢者司上寢處事記上幸宿所在所幸

宮嬪年月以俟稽考

武宗外紀

神宗時內廷呼官人爲都人

彤史拾遺記

甲申之難賊入後宮有官人費氏者爲賊所獲將汚之氏紿賊曰身是長公主也賊舍之俟賊沉湎後挾匕首斷數賊首遂自殺

婦人集

宜溝客舍題壁云馬足飛塵到鬢邊傷心羞整舊花鈿回頭難憶宮中事衰柳空垂起暮烟庚寅七夕後四日廣陵葉子眉識蓋宏光西宮官人也

婦人集

或於臺城舊內見絕句云南朝天子一愁無石子岡

連元武湖草綠離宮人不到日長惟敕阮佃夫是宏

光時宮人語阮佃夫指阮大鍼

婦人集

青霞女子青霞室中答應女也每有選淑可承侍者

令雜居青霞室中名女子

彤史拾遺記

浣衣王滿堂者霸州民王智女也以麗色嘗與選嬪

宮既而罷歸恥不肯適人又時時感異夢謂必有趙

萬興者聘當許之道士段鏐挾妖術聞之易姓名至

智家遂妻之及鏐伏誅特降中旨令勿殺滿堂以官

奴送浣衣局既而召入侍豹房大幸世宗嗣位復出

浣衣局人謂之王浣衣云

彤史拾遺記

順治二年長平公主上書云幾死臣妾跼踖高天髡  
緇空王庶申罔極先是主議降周世顯至是詔求故  
劍仍館周君尋薨葬彰義門之賜庄

婦人集

眷屬

因母親母也

儀禮疏

陶令則名婉儀雲間陸鳴珂夫人也有九日登高憶  
芳兒詩

馬之驕詩防初集

張湯自殺昆弟欲厚葬之湯母曰爲天子大臣被惡  
言而死何厚葬爲上聞之曰非此母不生此子

漢書

虞潭征蘇峻潭母孫氏戒之曰吾聞忠臣出孝子之

門汝當捨生取義勿以吾老爲累也

列女傳

錢鳳綸字雲衣有與嬸母馮夫人書

名媛叢書

漢稱嫺婆爲阿母後漢書阿母王聖封野王君至六

朝始有嫺婆之稱

陔餘叢考

陸令萱以乾嫺婆封郡君

北齊書

哀帝封嫺婆楊氏爲昭儀

唐書

山陰王端淑意氣犖犖尤長史學父思任常撫而憐

愛之曰身有八男不易一女

婦人集

虞山吳永汝字小法母故某尙書姬也七歲善琴箏  
十歲工染翰樂府詩歌一見卽能詮識人有霍王小

女之目十二字鄒祇謨後爲雀角所阻鄒製惜分飛

四十四闋悼之

婦人集

錢唐女子吳栢字栢舟未嫁而夫卒栢縗麻往哭遂

不歸母家所著有栢舟集

婦人集

張氏湖廣黃岡人工詩詞先是已字某父悔將改字

富商女聞之引刀自刎死

婦人集補

父之姊爲姑姊父之妹爲姑妹

兩漢刊誤補遺

范滿珠范睂生妹詩才與兄相稱集名繡蝕草

婦人集

錢馮嫺字又令有與季嫺表妹書

名媛詩緯

陸圻有新婦譜陳確查琪皆有新婦譜補

檀几叢書

馮少胃有娣姒訓一卷

國史經籍志

陳恭公爲相以曾公亮自起居注除天章閣待制陳之弟婦曾出也陳語之曰六新婦曾三做從官想甚喜應聲對曰三舅荷伯伯提挈極喜只是外婆不樂陳問何故曰外婆責三舅以第五人及第必是廢學故耳

容齋隨筆

山陰才女胡石蘭嫁駱氏早寡爲女學究有名都下

南野堂筆記

妾婢

元載夫人王韞秀寄諸姨妹詩云楚竹燕歌動畫梁

春蘭重換舞衣裳楚竹春蘭二妾名

增葉侍兒小名錄

沁雪子昂妾也子昂愛之嘗鏤其字於石上

增葉侍兒小名錄

貫酸齋二妾一名洞花一名幽草

增葉侍兒小名錄

計甫草故貧士嘗置一妾吳夫人擲掄之曰古聞糟

糠之妻不聞糟糠之妾何如

汪鈍翁說鈴

倪雲林妾曰輕雲

壯悔堂集

後漢竇融女弟爲王邑小妻又趙惠王居父喪私娣

小妻注小妻妾也孫鑛據此謂小妻之稱起自范史

然前漢書許皇后姊嬀寡居與淳于長私通因爲小

妻則小妻之稱前漢已有之或謂之下妻後漢書光



武紀依托人爲下妻師古曰下妻猶言小妻又新唐書楊慎矜傳御史索識書於慎矜下妻卧內得之又謂之少妻後漢書董卓傳其少妻止之又謂之庶妻王世充傳世充死其妻與王粲爲庶妻

陔餘叢考

世俗稱妾爲姨娘亦有所本南史齊衡陽王鈞五歲時稱生母區貴人爲姨晉安王子懋七歲時稱母阮淑媛爲阿姨蓋姨本姬侍之稱二王所生皆非正嫡宮中久呼爲姨故其子亦以呼母

陔餘叢考

張康節晚年有侍妾宴康奉公甚謹公謂曰吾死亦當從我乎妾曰唯命公薨妾果死

增補侍兒小名錄

金姬傳一卷楊儀作文極奇麗姬章邱人

琪園書目

梁清有婢子二人名松羅採菊

增彙侍兒小名錄

普寧呼女婢曰竈鬼廣州呼女婢曰妹崽

嶺南隨筆

妙奴者錢唐陳令舉小鬟也令舉宴秦少遊出以佐

酒少遊贈之詩

隱居詩話

曹朗買小青衣名曰花紅其價八萬貌甚美後爲景

所憑遂遣去

增彙侍兒小名錄

葉瓊章有侍兒名紅于天台勔大師序曰吳江諸葉

葉葉交輝中秀雙株尤爲殊麗

婦人集

元湛以婢紫光遺宋遊道後乃私耽竊而攜去遊道

大致紛紜乃云紫光湛父所寵湛母遺已論者兩非之

增彙侍兒小名錄

娼妓

洪涯妓三皇時人娼家托始

萬物原始

宋人稱妓女爲小姐夷堅志傳九與散樂林小姐綢繆約竊而逃不得遂與林小姐共縊死又女娼楊氏死現形與蔡五爲妻一道士來謂蔡曰此娼女楊小姐也東坡亦有贈妓人楊姐詩

陔餘叢考

東坡謫黃州喜官妓月素能詩凡會席輒與座

增彙侍兒

小名錄

名妓張秦娥能詩賦遠山云秋水一潯碧殘霞幾縷

紅水窮霞盡處隱隱兩三峯

全金詩

聞素華字雲衣長板橋頭人羅羅羸秀孤情絕照綽

有林下風

婦人集

石城卞元文夙擅詩歌西曲諸女郎能音旨者靡不

宗卞

婦人集

錢湘船過揚州品題諸妓以楊小保爲女狀元顧霞

爲女榜眼楊高爲女探花

畫舫錄

陸輔之家妓卿卿以才色稱張叔夏贈詞云可憐瘦

損蘭成多情應爲卿卿

明湖編

蔡京過永州刺史鄭以酒相邀座有瓊枝者鄭之所  
愛而席之最妍蔡奪之行

增東侍兒小名錄

脂體

李珣詞猗女鬋鬆髻字螺蓋以髮右旋而結此形古詞話

杜巧女截髮贈裴生媵之以詩

名媛詩歸

婦人粉花瘡以定粉菜子油調泥用艾燒烟薰之烟

盡覆地上一夜取出調搽永無癥痕

羣芳譜

正月二十日爲天穿日女子以此日穿耳

隴頭芻語

趙鸞鸞詠檀口云銜杯微動櫻桃顆咳唾輕飄茉莉

香紅樹樓名媛詩詞選

有少婦隨衆往謁狂僧僧命至前痛啜其項婦號呼  
歸語其夫夫怒往罵僧僧曰公案未了宜令再來罵  
者不聽居亡何婦以他恚投繯而死

遊宦紀聞

仲子有文在手曰爲魯夫人

困學紀聞

世宗與陳皇后坐張文二妃尙茗上循視其手后恚  
甚投盃起上大怒后驚悸忽墮胎旣而崩

彤史拾遺記

龔氏事佛甚謹及化去手指屈結皆成印相

中吳紀聞

平湖一尾有鬼在腹中談休咎多驗檀施鱗集鬼自

云夙生負此尼錢以此爲償

如是我聞

薛能詩柔娥幸有腰肢穩

全唐詩

曇陽子體有異香雖梅檀沉腦不過也

曇陽子傳

田貴妃體潔有蕑蕪香雖盛暑無汗嘗被禮服上令  
啜羹以試之終如常

形史拾遺記

滄州牧有愛女嬰疾沉困家人夜入書齋忽見其對  
月獨立花陰下悚然而返俄病者語曰頃夢至書齋  
看月意殊爽適知所見乃其生魄也

如是我聞

開元中華山雲臺觀有婢名玉女年四十五歲大疾  
遍體潰爛觀中人惡之送山險處女食木實酌水如  
是數十年髮長六七尺體生綠毛面如白花有書生

伺而犯之局之一室翌日視之幡然老嫗矣

增補侍兒小名

### 容貌

寶媛箋云妙莊嚴之美女

珍珠船

沈雲卿夢奠寒天上有無二字占者曰奠寒無火也  
非美乎天無二非人乎當有美人桑中之喜是日果  
遇美人苗蘊

元散詩話

潘炕有妾解愁負殊色善爲新聲

蜀梅枕

穆素暉短小而豐肌一尋常女子耳而西樓記以爲

艷若神仙

如是我聞



曇陽子當暑久暴烈日中且爲猛雨侵淋玉色益明  
瑩眉目益森秀

曇陽子傳

李春燕媚婉絕代初入宮年才十五顧盼舉止動移  
上意

金鳳外傳

馬氏美艷善騎射解于闐龜茲諸樂能道番語武宗  
絕幸之

武宗外紀

崑山顧文康小女名諶歸蘭陵董侍御一日與弟姪  
輩讌集小有唱和顧笑謂侍御從姪阿寧曰若紅蔚  
衫弄虎邱浮圓軌爲捉搦歌新婦不如賢從風日清  
佳作曲室中語爾時濯濯賢從應亦不如新婦也侍

御大加撫掌

閨閣語林

小東長沙伎人以能詩得幸於馬氏後國入爲郡窮於京師呈言及長沙宮中事則必南望涕泣而後言補侍兒小名錄

光宗五歲失太后問左右以遺像莫能得傳懿妃者與太后同爲東宮淑女嘗與太后比宮居自言宮人有相類雜指其眉睫頰輔令善形摩者髮髯爲圖召太后母瀛國大夫人認之呼老宮婢及素侍太后者來前使瞻視或曰是上爲之雨泣

彤史拾遺記

嶼山神女香木爲軀綺羅髮膚悉具

穀城山房集

吳越王鏐恭懿夫人銅容二致於奉國金地二尼寺  
吳越備史

性情

丁氏賢惠錄安定先生文蘇子美書丁氏晉公女弟  
封長安縣君 中吳紀聞

太祖孫貴妃敏慧端麗而嫺禮法高后曰古賢女也  
彤史拾遺記

商夫人祁撫軍妻也以名德重一時爲當世賢媛之  
冠 婦人集

徐太守夫人謝玉英性簡遠蕭勝不嬰世務太守之

官後盡斥其橐中數千金買青山庄居之時於橋上  
憑欄小立吟哦竟日其風致如此著有博依小草後  
留心禪理并詩亦不多作

閨閣語林

李香秣陵教坊女也俠而惠畧知書能辨別士大夫  
賢否一日故開府田仰以金三百鎰邀姬一見開府  
向兒事魏闔者又姬常以他事獲罪阮懷寧至是喟  
然曰田公寧異阮公乎峻却之

婦人集

周羽步詩才清俊作人蕭散不以世務經懷傀俄有  
名士態

婦人集

吳蓋仙精繪染尤好大畧周羽步贈詩云嶺上白雲

朝入畫櫺前紅燭夜談兵蓋寶錄也

婦人集

顧若璞子婦丁如玉字連璧慷慨好大畧常論治天

下大事以屯田法壞爲恨

婦人集冒襄注

人目河東君風流放誕是永豐坊底物

婦人集

萬妃大嬪忌絕嬪御進幸偶有進幸者必藥之墮其

胎且有從是死者栢賢妃生悼恭太子暴卒卽孝景

之頂上有寸許無髮皆藥所中也

彤史拾遺記

竄示吳皇后好歌曲

彤史拾遺記

神宗在東宮時陳后病居別宮而神宗母李太后斯  
時尚爲貴妃也神宗每晨往候后后喜強起取經書

指而問之神宗應聲答后益喜貴妃聞后喜亦喜神  
宗既嗣兩宮同尊甚親謚

彤史拾遺記

太祖嘗怒宮人馬后亦怒令付宮正司治罪上稍解  
問后曰不自責付宮正何也后曰怒時恐有觴重付  
宮正則酌之矣上曰爾怒何也后曰妾之怒所以解  
陛下怒也

彤史拾遺記

婁江女子燈夕寄答一絕清怨迢迢耐人尋味詩云  
荒樓何處忍吹簫寂寞燈前涕淚遙忽看病中書信  
至却傷今夜是元宵原唱係襄陽年少所作有一行  
清淚了元宵之句

西軒集

王嬌鸞與周廷章有情誓不相負後周不娶鸞聞之

大恚遂自縊

名媛詩歸

萬妃進太子羹太子却之曰疑有毒不食妃恚曰是

兒數歲卽如是他日魚肉我矣

彤史拾遺記

龔才女自號永愁人其詩集名永愁篇

梅村集

闕玉錢唐人甲申之歲生十三年矣容貌端麗父母

絕珍憐之宏光時徵選采女誤爲賣菜傭所紿竟嫁

其子日令玉職爨喂豕稍暇令鋤泥蒔灌足去縑約

頭如蓬葆面目黃黑衣服敗汚玉悲甚仰天痛哭而

作歌未幾死

婦人集

蠶織

遂昌王氏嫠居養蠶滿筐一日啟筐則化爲美女數十人紫衣碧裳冉冉緣壁凌檐而去

拾圓

陸夫人在室時嘗用一紡車每操作運轉自如其車自白頭老婢已見之一夕忽咿啞有聲自車中出或移置月明之下見其宛轉停歇一如人所爲衆懼而焚之

梅谷偶筆

針線

曹蘊有繡鴛鴦詩

名媛瑣囊

王朗詞學繡青衣閒刺鳳自把金針代補翎毛空朗



次回女也

朱鳥逸史

駱綺蘭繡牀詩規方盈尺似文楸

聽秋軒詩集

繡箱一座兩邊各分五椀外用嵌蓋一扇以暗鎖鑰  
之內貯刀針樣書零絹等物

珮環遺韻

英宗在北孫后嘗寄禦寒衣裘手自縫製

彤史拾遺記

井曰

有婦人河上蕩桮多問之曰家有客

孫子算經

上清者丞相竇參所寵青衣也參爲陸贄所陷上清  
隸名掖庭後數年以善應對能煎茶數得在帝左右  
德宗問所從來上清以竇參女奴對流涕訴參之冤

德宗大悟贊竟受譴上清特敕爲女道士

增葉侍兒  
小名錄

宋高宗宮中有兩劉娘子一善治饌宮中呼爲上食

劉娘子一喜誦經宮中呼爲看經劉娘子

陔餘叢考

浣衣局所養婦女甚夥歲用柴炭至十六萬斤以是

時聞選婦女多留浣衣局故也

武宗外紀

文淑有湘君擣素圖

啟禎野乘

海瓊沉香俱產黎峒其俗皆女子採香耳帶金環首

纏珠帕腰被刺刀什伯爲羣崖間遇有竊者卽擒殺

焉

嶺南雜記

鄭妗故襄王宮人遭亂爲沔陽漁人所得嘗椎髻跣

足釣於黃金湖頭婦人集 董以寧楚遊聞見錄張獻忠破襄陽城盡斫城中婦女繼趾囊子酒間賭勝矜之跣足意或悼此

文墨

丁雄飛在燕都得其婦卜四香手書書中念字俱少一畫始悟念字从人从二心中去一畫殊見用意晉書婦人集稿

張氏有處子小字酥香兄才人所爲歌曲悉能諷之麗情集

徐后幼時誦書史一過不忘人稱女諸生

形史拾遺記

湖陸氏女名阿萍生六歲其母注曹大家女誡七

篇授之十日卽能成誦

梅谷續稿

漢宣帝時河內女子壞老屋得秦誓一篇

論衡

徐后嘗纂勸善書頒行天下

彤史拾遺記

興王妃蔣氏世宗母也嘗著女訓十二篇

彤史拾遺記

張一娘妻東張溥之女名靜紉張無子遺書數萬卷

盡歸一娘十三經廿一史無不淹貫文擬左國詩法

漢魏尤喜臨十三行

婦人集補

吳扣扣一名湘逸儀徵人冒推官侍兒也姿性穎異

好讀書文選杜詩一二遍卽能覆誦年十九天

陳其年吳

扣扣小傳

王賓娘黃岡王真定女七歲能誦唐詩絕句千首十  
歲能屬文十五博通經史人以女博士呼之後因所  
天不偶心恒侘僚詩文諸彙都不以示人也婦人集補  
徐安人能詩其畦徑都出於杜子美不類婦女所爲  
中吳紀聞

潁水劉公戢家集有賢媛詩三卷一名雲錦樓詩劉  
搢妻李氏著一名紉蘭軒詩劉佐臨女著一名寶田  
堂詩劉振女著朱鳥逸史

王繡君名璐卿通州馬振飛之妻也閨房唱和詩以  
小幅行世風調綿整人甚稱之常見其一絕句云青

草河頭花正妍綠莎汀畔水連天輕舟載得春多少  
無數飛紅到槳邊葢詠舟中落花者筆情波媚與題  
頗稱

然脂集

王繡君姊妹工詩一時稱爲二王

婦人集注

清河丁氏舟泊蕪城詩流離一孤舟魂黯蕪城路不  
見折瓊花惟聞悲玉樹使人悽惻

淮南詩城

宗梅岑母陳夫人有婦德兼工文詠然唱隨外不以  
示人臨終取生平所作盡燎之

朱鳥逸史

閨秀則梅市一門甲於海內編題姓氏約十二家

黃暉

秦毛奇齡越郡詩選

姜淑齋膠州宋可發子婦著有淑齋詩藁

山左詩鈔

莘田二女皆擅詩名長曰淑宛字姒洲次曰淑婉字

紉佩紉佩題杏花雙燕圖云不管春來與春去雙雙

長在杏花中

榕城詩話

雲間章玉筐工才調著有澄心堂集望雲集姊瑞麟

妹玉璜並擅詩名妹迴瀾妹掌珠俱以文章顯

婦人集

粵中王菊枝工小詩雋冷殊甚

婦人集

錢唐女子陸么鳳十四而善吟

毛先舒詩辨坻

黃皆令詩名噪甚以輕航載筆格詣吳越間嘗僦居

西冷段橋頭凭一小閣賣詩畫自活稍給便不肯作

婦人集

陳若蘭著閨詞一百首又有綠窗閒詠一帙

然脂集

莊樂閒夫人董蘭谷崔曼亭夫人錢浣青皆工詩兩家同居一宅閨閣韻事近代罕有

甌北詩鈔

薛仙姬回文詩反覆成章時稱爲小蘇

名媛璣囊

司崕山有石刻女郎湯文玉遊山詩

婦人集

任邱旅店有吳門怨婦白浣月號蓮仿題句

楓香詞

青陽店有女子題壁者自署萬里女郎

朱鳥逸史

長沙女子王素音爲亂兵所得題詩古驛有云可憐

魂魄無歸處應向枝頭化杜鵑

婦人集



鄭州驛亭有姑蘇女史芳芸詩末句云銀釭燒盡心

還熱畫鼓金針月已西

名媛詩緯

乙酉澄江之變黃姓妻秦氏被擄不屈過金山題詩  
壁上末云蒲團夜坐三更月懺悔今生未了緣明日  
投崖殞兵去復甦遇乳母夫過攜歸復合

婦人集

方順橋店中題詩後書云廣陵十七歲遇難女子張

氏淚筆

然脂集

金沙王朗生而夙悟詩歌書畫皆工尤長於詞浪淘  
沙云疎雨滴青蘼花壓重檐繡牀人倦思懨懨昨夜  
春寒眠未足莫捲湘簾羅袖護摻摻怕拂妝奩獸鑪

香倩侍兒添爲甚雙蛾長蹙翠白也憎嫌

詞苑叢談  
王西樵

日王朗詞隻字銷魂片言驚骨

顧文婉自號避秦人工詞與王仲英相倡和

倚聲台集

吳栢舟詞最富而長調更工絕

婦人集

武林顧若璞黃少參子婦也早年稱未亡人盛有綺才所著卧月軒稿行世中有舅姑墓誌銘及外行狀文章詳贍學者題之

然脂集  
陳其年曰卧月軒稿中多經濟理學大文率經生所

不能爲者

龐淑順工古文嘗作闢佛說

賦魚詩話

黃皆令南華館集賦有六季風銘贊質雅亦班謝之

亞然脂集

郭嬪名愛字善理鳳陽人穎悟警敏有文章名宣宗  
聞之納爲嬪入宮二十日卒嬪自知死期書楚聲以  
自哀其詞曰修短有數兮不足較也生而如夢兮死  
則覺也先吾親而歸兮獨慙乎予之孝也心傍徨而  
不能已兮是則可悼也

彤史拾遺記

曇陽子許字徐景韶景韶沒旣葬曇陽子屬些辭百  
餘言使保媪酌而焚之於其墓

曇陽子傳

臨海余季女有容德善詞翰贊壻水宗道月餘宗道  
愧已不若辭歸閉戶讀書久不返季女賦騷體九首

招之不至女病且亟宗道忽夢女謂曰妾委脫矣旋  
訃至宗道悲卒

名媛彙編

周明嫒名庚菁田陳承續妻也有赤牘一卷清遙秀  
映允爲玉臺名構與仲嫂書云三國志經嫂所點定  
庚應窮其贊辭但不解於古人何所厚薄只覺此心  
爲劉與外書云林媛松石圖已見歲寒之志欽其志  
性以一絕風之畫首矣亦不敢展玩恐風雨悲鳴也  
仲嫂能定三國志林媛能作松石圖新婦俱于此不  
凡惜俱逸其姓氏

尺牘新鈔

周明嫒詩名羹繡集小札名十七帖

然脂集

吳栢舟古文尺牘在明煥之上

婦人集

唐朝人兄妹共寫法華經楷法甚精

佩文齋書畫譜

楊妹子宋寧宗恭聖皇后妹其書類寧宗凡御府馬

遠畫多命題詠

韻石齋筆談

孔植納一小姬姓宋貌絕婉麗一日於几上寫明月

兩字植問書此云何笑曰願隨明月入君懷非鮑參

軍句乎

婦人集補

曇陽子初不爲書既書則八法儼然古篆則倉頡以

至碧落陽冰近七十體皆受之崔姊然只一習獨飛

白書至再習爲崔姊所笑

曇陽子傳

金陵姚夫人善丹青嘗爲董夫人畫一粉箋烟墨離  
離深秀不可言爲香奩畫手中逸品第一

閨閣語林

江西康孝廉夫人工畫竹最似管夫人嘗以一扇貽  
余綠篠明玕便覺白日欲翳

婦人集

海陵宮婉蘭工畫墨梅雪葉風枝翛然有偃蹇瑤臺  
之思

然脂集

唐孝女名素工花卉鸞畫養親至老不嫁

自怡軒集

盧丹善畫美人每作一圖皆其婦爲之點睛

婦人集

吳瑟瑟字數青姑蘇人兄善畫倩其妹設色鮮妍遠  
過其兄

錢位坤瑟瑟小傳

邢慈靜善畫觀音大士莊嚴妙麗用筆如玉臺膩髮

春日游絲

婦人集

昭惠后能爲小詞其所用筆曰點青螺

南唐拾遺

向見倭箋數幅寫會真詞曲字法婉逸如花臨風其

印識爲采藥女郎

婦人集

幹畧

杭州女教場宋南渡妃嬪演武於此

大滌洞天記

劉節之婦王氏善騎射節之從戎與婦各將一軍婦

號令尤嚴節之敬憚之

閩閩語林

曹三娘體豐肥衣月金剛之號某公子自負其勇奮

拳撲其乳三娘一發手公子跌於地

畫舫錄

有老媪挾一嬌弱女子遊云善拳勇諸少年卜采與之校每前輒仆終莫能近

梅谷偶筆

蜀主至成都後官迎於七里亭妃嬪作回鶻隊入宮

十國宮詞注

### 技藝

趙總憐能著棋寫字彈琴

酒邊詞

長洲湯畹生名淑英善奕工詞

然脂集

謝邁贈基妓宋瑤詞纖纖露玉風電縱橫飛鈿局

花菴

絕妙詞選



湘妃廟女子詩畫闌紅子門樗蒲

名媛詩緯

張楚縷門牌詩云難遣離懷白晝昏紅牙牌裡強爭

論不因嬌嬾無情緒輸却金釵不敢言

婦人集

世宗陳皇后少與諸女擲錢戲錢四側

彤史拾遺記

音樂

董夜來小字月哥金陵伎善琵琶

名媛詩緯

張翥有賞箏妓崔愛詞

琬叢珠府

劉翹翹謂薛昭曰妾有寶金離率之箏吹之令人反

聽

增葉侍兒小名錄

海昌彭幼玉有銀河吹笙詩最新警

婦人集

隋宮中號袁寶兒爲梅花笛

烟花錄

閻邱太守後房有懿卿者善吹笛東坡作水龍吟贈之而孔毅夫則云贈趙景吹笛侍兒

小鄮叢詞話

權妃初隨衆女入上見妃色白而質復穠粹問其技出所攜玉琯吹之窈眇多遠音上大悅

彤史拾遺記

唐明皇宴公遠公遠於雲中下四女各十五六丰姿絕世一曰陳淑英一曰蘇麗雲一曰韓九華一曰謝長裾淑英吹落霞之管麗雲鼓雲華之琴九華作思元之舞長裾歌睇雲之曲須臾飄風忽起公遠四女皆不復在矣

增葉侍兒小名錄

陳鳳姑善清唱十六入京師充某相府十番鼓以自  
彈琵琶唱九轉郎兒得名

畫舫錄

雙清女班中喜官玉官姊妹也喜作崔鶯鶯玉輒爲  
紅娘喜作杜麗娘王輒爲春香互相評賞巧官有男  
相爲紗帽小生自製官靴落落大方金官憑人傲物  
班中謂之鬥蟲而以之演相約相罵如出鬼斧神工  
徐狗兒文雅羸瘦飲食甚微坐戲房如深閨一出歌  
臺居然千金小姐龐喜作老旦垂頭如雨中鵲魚子  
年十二作小丑骨節靈通伸縮間各得其任季玉年  
十一雲情雨意小而了了秀官端正寡情所作多節

烈故事閒時藏手袖間丰神自不可一世康官演痴  
訴點香申官西保姊妹作雙思凡黑子作紅綃女六  
官作李三娘皆一班之最

畫舫錄

姓名

程松壽媚事韓平原市一美女獻之亦名松壽平原

怪問之答曰欲使賤名常達鈞聽耳

增彙侍兒小名錄

陽邱店中有女子題詩壁上末署夢兒書夢兒蓋其

名也

朱鳥逸史

吳孟舉有歌姬四以風花雪月名之

思綺堂集

卜曇字四香謂不亂取手香不淫色體香不妄語口

香不姪害心香

婦人集補

周定王元宮詞江南名伎號穿鍼貢入天家抵萬金  
蘭雪齋集

吳時鐵香爐題名百人中  
有金一娘段二娘潘三娘  
魏四娘張五娘孫六娘金七娘戴十三娘邱六十娘  
大安寺志

北史高歡妃有馮娘李娘王娘南史劉孝綽妹曰劉  
三娘教坊記范漢女曰大娘子昌黎祭女挈文稱四  
小娘子祭姪孫女李千妻稱李氏二十九娘子東坡  
爲子適求婚啟云伏承令子第二小娘子金史海陵

以第二娘子大氏爲貴妃第三娘子蕭氏爲昭容是  
皆以娘爲少女之証

陔餘叢考

### 事爲

劉阿李者李氏字小鳳長千里人幼鸞耿進士家耿  
罹難小鳳法當入官蘭陵劉生捐金贖之

鄒祇謨劉阿李傳

眉州王通判之侍女曰飛紅喜謔浪善應對與成都  
申純私於花下得鸞箋一幀乃飛紅詞也

婦人集

松陵吳銀姊與王生以才藝相昵後事露到官供狀  
灑灑數千言頗多致語有云昔淡眉卓女服縞素而  
奔相如漢皇弗禁紅拂張姬着紫衣而歸李靖楊相

不追古有是事今亦宜然

不可不可錄

女子琅玕德州人題旅壁詩序云妾家齊右歡是吳儂玉樹其人紅葉贈我既見君子信綠綺之可媒我思古人願紅拂以爲友佳人久嗟薄命好綠肯俟來生苦海斯離多露弗畏寶馬踏來剛夜半老崑崙何所用之彩鸞飛去向天邊莽叱利從茲逝矣聊題短句用示情癡

然脂集

顏娘泉女郎多以錢擲泉中祈子

顏神鎮記

潮婦求子者必於韓文公廟有求無不應者

楚庭雜錄

澄江蔡烈女祠遠近禱子者輒應

壯悔堂集

誕育

曇陽子母朱淑人立生曇陽子無血

曇陽子傳

王氏收生婆諸婦人生產之理著達生編行世

畫舫錄

術業

比丘尼傳起晉訖梁得尼六十五人

百川書志

張淑芳樵家女賈似道妾似道敗削髮爲尼

西湖志

宋禁中帝后及兩宮各有尼并女冠各一人選年少

能法事者充隨本殿內人居處每早贊導燒香

澗泉日記

東昌尼名果玉善填詞

然脂集

女冠龍隱俗姓夏氏華亭人又有王氏道元者亦女



冠也陳留人詩才皆清綺

朱鳥逸史

女道士曹素侯姑蘇人大有才思

婦人集補

貞女芮泰姑未嫁夫死守貞以磨豆腐爲生養姑立

孤

歐北詩鈔

游孝女字文元以賣卜拆字養親

畫舫錄

### 衣裳

齊武帝時內人出家爲異衣住禪靈寺猶愛帶之如

初

金樓子

張定和從征無以自給其妻有嫁時衣服定和將歸之妻靳固不與定和遂棄其妻

隋書

蠶陽子謁金母金母賜以黃色天衣一襲衣如綾錦而不見鍼線迹服之緊束稱體

蠶陽子傳

宮衣用紗縠襍綴諸翦繡而隱以他色如罨畫然

史形

拾遺記

揚州女衫以二尺八寸爲長袖廣尺二外護袖以錦繡鑲之冬則貂狐之類

畫舫錄

耿先生常著碧霞帔

江淮異人錄

猗女初嫁垂一繡袋以祖妣高辛氏女初配槃瓠著獨力衣以囊盛槃瓠之足與合故至今仍其製

粵東筆記

裴羽仙張說妻說征匈奴裴寄衣賦詩

名媛詩緯

恭懿夫人幼而婉淑善鼓琴頗尚黃老學嘗著道士

服

吳越備史

憲宗嘗游幸諸宮必令妃袴褶爲前驅

彤史拾遺記

揚州裙式以縠裁剪作條每條繡花兩畔鑲以金線  
碎逗成裙謂之鳳尾近則折以細縷謂之百折其二  
十四折者爲玉裙恒服也

畫舫錄

### 冠帶

有孺子夜致黃冠一頂髮紛承之視冠之梁有細字  
云霞姆追環其下云墨陽子霞姆者偶霞嬰也追環  
追所失之環

墨陽子傳

上冠舊綴鴉青石與珠相間田妃去珠易以珠胎而

嵌鴉青于其中望之有光焉

形史拾遺記

小秦淮妓館冬皆貂覆額或漁婆勒子

畫舫錄

諸薄國女子織作白氎花巾

後漢注外國傳

揚州髡勒有蝴蝶望月花藍折項羅漢髡八面觀音

諸義髻

畫舫錄

十七姐命二婢曼仙阿絳歌合歡詞稱意姐取盒中

彩絲二束賜之

十七姐傳

襪履

海鹽某氏女工詩一日忽失其在石塘遺繡履一中

貯絕命詞數章意其投海後始知私奔去

梅谷偶筆

烏魯木齊參將有佳麗四人筐中繡履四雙忽然躍

出滿屋翔舞如蛺蝶羣飛以杖擊之乃墮地

如是我聞

有富室攜少女詣狂僧求頌僧曰好弓鞋敢求一隻

語再四不得已遺之卽裂其底得襯紙乃佛經也

游宦

紀聞

揚州女鞋以香樟木爲高底在外者爲外高底有杏

葉蓮子荷花諸式在裏者爲裏高底謂之道士冠平

底謂之底兒香

畫舫錄

粵中婢媵多著紅皮木屐

粵東筆記

釵釧

青縣一民家歲除日有賣蓮草花者叩門呼曰竚立  
久矣何花錢尙不送出耶詰問家中實無人買花而  
賣者堅執一垂髻女子持入正紛擾間一婦媪急呼  
曰真大怪事廁中敝帚柄上竟插花數朶也取驗果  
適所持入

如是我聞

猶圓箒精同

延羲僞妃上官氏首簪數花自九龍殿舉簾而出三  
爲簾所拂花墜於地旣而遇害

五國故事

黃素馨簪髻頗有風韻

皇華紀聞

簪芸香可以鬆髮

閩閩事宜

吳中女子取玉蘭花苞剪松鼠以挿鬢

紅蕩莊集

金母賜雲陽子金鐲二色紫磨環鏤梵書十餘如印

文故稱印鐲

雲陽子傳

長安王氏女與李章武通李告歸以交頸鴛鴦絹并

贈詩相訂王答以玉指環并詩後武久不還思憶成

疾卒

名媛叢書

梳粧

田貴妃善粧攏每以新飾變宮中儀法燕見却首服

別作副髮藏髮間

彤史拾遺記

吳女梳頭爲蛺蝶鬢張英詩鬢梳蛺蝶雲千縷

續韻  
粧錄

小秦淮妓館買棹湖上梳掠與堂客船異大抵多雙

飛燕到枕鬆之屬

畫舫錄

柴貞儀詠羅巾詩云拭去盈盈淚攜來冉冉香殷勤

纏素手縷縷似愁腸

婦人集 王西樵曰貞儀并善丹青是梁東素之亞

十七姐櫛沐阿絳分脂剖粉掇碧盆中灌以香水奉

之

十七姐傳

方喬偶與紫竹野遇思之成疾有道士贈以古鏡曰

此鏡一觸至陰留影不散子所遇少女試令照之卽

遂意矣喬使嫗往售紫竹顧影不去遂與私焉父覺

合爲夫婦

官閨小名錄



吳中王生所戀慶兒甚婉而慧生之粵慶兒自寫却  
妝春思圖寄生比生歸慶兒已卒檢脂盞中有詠鏡  
句云試看一片長圓月曾照三年未死心

南野堂筆記

簌盛鏡器列女傳置鏡簌中

急就篇注

花蕊夫人有百寶鈿奩

後蜀拾遺

李良年有倭奩詞

秋錦山房集

### 脂粉

粵中婦女以素馨花蒸油取液爲面脂頭澤謂能長

髮潤肌

粵東筆記

紫茉莉一名胭脂花可以點唇子有白粉可傅面

草花

譜

占城婦女得大西洋茶藤露以香蠟調之膏髮客至則以髮拂拭杯盤之屬以爲敬

海槎餘錄

### 宮室

袁貴妃居翊坤宮

玉堂薈記

郭惠妃郭大舍女人有相郭氏宅者曰宅有女富大貴至妃驗

彤史拾遺記

申鐵蟾射獵歸見二園物如毬旋轉如風輪忽爆然裂二小婢從中出稱仙女奉邀魂卽隨之往至則瓊樓貝闕一女子色絕代通詞自媒鐵蟾固謝託以不

憤居此宅女子薄怒揮之出越月餘見二物如前爆  
出二小婢仍邀之往已別構一宅幽折窈窕可愛問  
此何地曰佛桑女子再申前議意不自持遂定情自  
是恒往久而女子亦晝至

如是我聞

京口有謝公妓堂遺跡

珍珠船

秀水縣令之母喜誦佛號署中建愛日樓

佐治藥言

田妃於宮中建一臺壘石爲洞蒔花藥每張帷坐其

傍曰翫月臺

彤史拾遺記

章玉筐寄姊詩憶昔同在翠微閣飛文聯句誇奇作

婦人集

曇陽子築觀于城之西南隅曰吾蛻而龜歸於是因

署其榜曰曇陽恬澹觀

曇陽子傳

翠花街市肆韶秀皆珠翠首飾鋪

畫舫錄

美人橋在美人峒口夢香詞聽鶯宜近美人橋

畫舫錄

徐淑則錢塘人所居在湖山之間每當烟雲入戶魚

鳥親人輒復然脂弄筆墨潘淋漓

名媛尺牘

上官昭容有長寧公主流盃池詩

名媛詩詞選

崔夢泉相傳崔婆釀酒飲仙人張虛白處

漢行紀程

昭君墓無草木遠望之真濛作黛色古云青塚良然

墓前石刻某閔氏之墓為蒙古書

筠廊偶筆

花冢在梅花均粵妓張喬葬處 楚庭稗珠錄

牀第

鄭允端有楮帳詩 肅雅集

史鳳姬有神雞枕詩 彤管新編

真西山指竹夫人曰靳春縣君祝氏可封衛國夫人  
鶴林玉露

飲食

劉銀與官人爲紅雲宴於甘泉苑後人往往拾得遺  
釵珠貝知爲亡國之遺物也 廣東新語

唐李咸詩稚女學擎茶 筠廊偶筆

段恭妃嘗遣中使持金茶壺私通外家爲門者所奏  
上曰此雖妃所有然大內器物豈可闕出別以百金  
遺妃曰卽妃家貧以此給賜之

彤史拾遺記

有婦因女病問卜得驗以縑團獻

梅谷偶筆

曇陽子夜坐眞君袖仙果啖之圓長可二寸青紫色  
輕滑如夕露而特甘不可名質也

曇陽子傳

女兒橘幹弱條軟結子頗大

橘譜

楊貴妃嗜涪州荔枝

蔡襄荔枝譜

吳郡薛氏二女蘭英蕙英於樓窗窺見鄭生悅之戲  
以荔枝一雙授下遂薦枕席曲盡纏綿

聊芳樓記

宋仁宗時后妃皆食錦荔子以祈子

荔支故事拾遺

宏菴宴席其姬人親剝桐子以侑俎

夢窗乙案

文中子母銅川夫人好藥

困學紀聞

器用

花蕊夫人有金襴水晶唾壺

後蜀拾遺

張太夫人有蒼玉扇墜云是曹化淳故物自明內府  
竊出製作朴畧隨其形爲雙螭糾結狀有血斑數點  
色如鎔蠟以手摩熱嗅之作沉香氣如不摩熱則不  
香

如是我聞

喬知之妹有詠破簾詩

名媛集編

宜分公主姓豆盧氏天寶四載歸蕃過唐池驛題詩  
於屏風上

名媛詩歸

喬姥於長堤賣茶設矮竹几杙數十稱為喬姥茶卓  
子

畫舫錄

金鳳長春宮中每宴然金龍燭數百枚光明如晝

外傳

宮中燈多縷金匝匝雖炬麗而炬不外達田妃乃刻  
燈扇每當炬處去一方以疏綃幕之炬影左右微觀  
者稱快

彤史拾遺記

粵中婦女夜遊用素馨燈引轎

海槎錄



曇陽子以琥珀數珠賜比邱隆魁

曇陽子傳

舫區有何奶奶划子船王奶奶划子船冷大娘絲瓜

架童奶奶絲瓜架

畫船錄

許景樊詩南塘女伴木蘭舟

蕩雪集

柳公綽妻韓氏相國休之曾孫女每歸觀不乘金碧

輿祇乘傳兜子

小學紺珠

綺羅

昭惠后嘗幸長慶寺施五色絹百疋為幡為寶勝幢

金鳳外傳

伎館穿著夏則子兒紗春秋則翡翠織絨之屬

畫舫錄

珠賈

周淑禧工畫花鳥好事者爭以餅金購之

婦人集

景皇后汪氏出攜甚多英宗命檢取得銀二十萬他物稱是

彤史拾遺記

蘭麝

曇陽子夢偶霰嬰焚香香裊裊縷烟成篆書善字曇陽子吸之醒而遂不飯

曇陽子傳

茅香閨房中時燒少許亦佳

羣芳譜

花木

善慧仙人欲以五百銀錢雇花獻佛忽遇瞿夷持花

七莖與之曰願生生常爲君妻

過見因果經

桃令女子艷妝種之則花艷

花譜

謝金蓮字素秋妓也作紅梨花詩趙汝州愛其才遂娶之

名媛詩緯

邵貴妃偶夜坐自詠所製紅藥詩憲宗過聞之大喜

遂召幸

彤史拾遺記

佛桑花白者婦女以爲蔬謂可潤容

粵東筆記

金錢花番禺士女多以綵絲貫花買之

北戶錄

人家種南天燭則婦人多妬

養閑評

劉宜賦庭栢云但保歲寒心不在遐年壽至正間被

擄罵賊死

名媛詩詞選

王兆淑字仙琬有秋柳詩甚佳

婦人集補

補陀落迦山觀音坐後有旃檀紫竹林

暎車志

曇陽子所居室有五色靈芝產于前榮

曇陽子傳

鬱金芳草也宮嬪多佩之

香乘

當歸花曾入禁苑賜名一品妃

汪洪度詩集

禽蟲

黃烈婦方以仁妻以仁死蓄有雙鶴黃刺鶴頂血飲

之立死鄉人瘞鶴冢旁碑曰鶴冢

新安女史

曇陽子龕化後有二黃蝶自龕所盤旋久之始去

曇陽

子傳

仙佛

金母亦十地菩薩化也或以爲文殊

曇陽子傳

曇陽子夢真君口授一編曰法照晤圓靈寶真經覺而憶之且書之曰是道經也而禪語

曇陽子傳

宋元豐間封湘君湘夫人爲淵德侯

東還紀程續抄

湘君湘夫人蓋楚俗所祀湘山神夫妻二人

陔餘叢考

蠡山武陵娘子祠云是范蠡妻西施

東還紀程

廣州多金花夫人祠夫人字金花少爲女巫溺死湖中數日不壞有異香卽有一黃沉女像浮出容貌絕

類夫人人取祀之

粵東筆記

沅州火神祀凌霄神女一不虔則神女立遣火鴉銜火丸置茅屋上兩翅扇風發火

滇行紀程

崔貞姑廟在練塘浦土人祀爲土穀神

鴛湖志

慧感夫人或以爲大士化身靈異最著後加封慧感

顯佑善利夫人

中吳紀聞

蜀先生甘夫人墓每夜月明有數女郎出遊美麗非凡或著金泥帔子或著朱白練衫或著丹繡襖襠見者輒爲所祟因塑元君像鎮之

繪園

陳友諒姬鄭婉娥死殯江州琵琶亭側後有見姬歌

念奴嬌詞者

逐鹿記

干寶搜神記載馬勢妻蔣氏事卽今所謂老無常也

武清曹氏有傭媪充此役

如是我聞

閩嗣王夫人崔氏雅信佛法奉福州僧慧稜爲師自

稱曰練師

十國春秋

方維儀酷精禪藻

清芬閣集序

蕭媪年八十餘日杜門誦佛書及卒其體柔如兜羅

綿

弇州山人續稿

齊武成帝見空中下一美婦人忽變爲觀世音

北史

觀世音有西天七寶蓮花座

弇州山人續稿

吳越忠懿王夢白衣人求葺其居遂建天竺觀音看  
經院今之上天竺

天竺寺志

徐熙載母程氏虔奉觀音熙載舟行將覆呼救得免  
既歸母笑曰夜夢一婦人抱汝歸果然

夷堅志

許回妻孫氏臨產危苦默禱觀世音恍惚見白髻婦  
人抱一金色木龍與之遂生男

觀音本紀